

Di unda nos bailenan a bin ?



E relato aki ta basa riba e 3 influencianan mas grandi riba nos bailenan. Pa e edicion aki nos ta trata e prome influencia cu ta influencia Africano.

Influencia Africano

Durante siglonan 17-19 a bin esclabonan di Africa na e Islanan

Caribense cu e intencion di bendenan na e colonia Spaño. Den e temponan aki e Islanan Caribense tabatin plantacionan unda e esclabonan tabata traha. E trahadonan aki tabata canta cantikanan africano mientras nan tabata traha y den anochi nan tabata topa huntu pa canta.

Despues di cosecha e homber y muhernan tabata bay bailando cu macutu riba cabes den parada. Nan tabata sali for di plantacion pasa bay dilanti e tiendanan. Anochi nan ta hasi un fiesta grandi cu canto musica y baile pa asina celebra e bon cosecha.

E anochi aki nos ta yama Simadan/seú. Tambe nos conoce esaki bou di e palabra wapa cu ta basa riba e baile di cosecha.

Con e baile ta ?

E baile ta hopi ritmico, bo ta cana zoya bayendo padilanti y patras, brasa banda di orto. E brasamento ta simbolisa e aporte cooperativo. E meta di e baile ta pa gradici Madre Tera y Shon Grandi pa e bon cosecha.

Simadan: Tin 3 cantica tradicional nl: Dan Simadan, Remailo y Belua. Tur e cantica nan aki ta basa riba pregunta y contesta.

E intrumentonan pa toca Simadan ta:

- Chapi.
- Benta
- Cacho
- Carco
- Seu

Seu:

Banda di ta number di e fiesta tambe e ta number di un intrumento hopi bieu.

E intrumento aki ta un tobo/bari cu awa cu un calbas coba. E awa ta yena te nasierto haltura y e calbes ta flota den e awa, e calbes ta cu hol abou. Bo ta toka e intrumento aki cu 2 palo anto bo ta tik e calbas pa e saca e zonido. Asina bo ta toca seu y tin e cantado mayor.



Tambu:

Tambu ta un di e bailenan mas bieu. E musica ta na encargo di e "tamburero" e persona cu ta toca e tambu, e "wicharero" e persona cu ta toca e chapi, y e "cantado di tambu" cu su coro. Den otro palabra e cantante cu su coristanan.



E tribunan tabata kere cu e tambu tabata magistroso y asina nan por comunica cu e diosnan pa gradici of pa pidi algo.

E movecionan ta hopi ritmico, fuerte y ta concentra mastanto riba pia cu heup.

E tambu ta un bari traha di pilon di maishi gerek cu cuero di carne of cabrito.

Ritmonan di tambu ta:

- Punda tradicional cu ta sera y lento
- Punda habri sera cu por ta lento y lihe
- Siya
- Cantica di biento.